



---

Broj: 05/7-50-13-370-28/17

Sarajevo, **31.8.2017.**

## Z A P I S N I K

### 28. sjednice Vijeća nacionalnih manjina BiH, održane 31.8.2017.

Sjednica je počela u 17 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Tijana Vučurević, Andrija Svatok, Marija Grbić, Jovanka Manzalović-Šalaka, Jakob Finci, Halil Bicaj, Hakan Varan, Todorka Jovanović, Eva Pašić-Juhas, Silvija Vujović, Vjeročka Gajić, Mladen Radmilović, Nedžad Jusić, Dejan Piotrovski, Davor Ebner, Velibor Kuvač i Dragan Marković.

Sjednici su, također, prisustvovali: Želimir Lalić, predstavnik Ministarstva za ljudska prava i izbjeglice BiH, i Branislava Vignjević, stručna savjetnica u Zajedničkoj komisiji za ljudska prava.

Članovi Vijeća nacionalnih manjina BiH **jednoglasno su usvojili**

## D N E V N I R E D

1. Usvajanje zapisnika 25., 26. i 27. sjednice Vijeća nacionalnih manjina BiH;
2. Razmatranje Informacije s održane međunarodne konferencije pod nazivom „Autentičnost nacionalnih manjina u BiH“;
3. Razno:
  - Pripreme u vezi sa službenom posjetom Vladinom vijeću za nacionalne manjine Češke Republike.

### **Ad.1. Usvajanje zapisnika 25., 26. i 27. sjednice Vijeća nacionalnih manjina BiH**

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. Nije bilo rasprave o navedenoj tački dnevnog reda.

Vijeće nacionalnih manjina **jednoglasno je usvojilo** zapisnike 25., 26. i 27. sjednice Vijeća.

### **Ad.2. Razmatranje Informacije s održane međunarodne konferencije pod nazivom „Autentičnost nacionalnih manjina u BiH“**

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Tihomir Knežiček, Eva Pašić-Juhas i Želimir Lalić, predstavnik Ministarstva za ljudska prava i izbjeglice BiH.

Predsjedavajući Vijeća nacionalnih manjina BiH Tihomir Knežiček prisutne je informirao da je konferencija **pod nazivom „Autentičnost nacionalnih manjina u BiH“** bila međunarodnog karaktera i da je veoma uspješno realizirana, te da će zaključci s konferencije biti upućeni svim relevantnim tijelima, a izlaganja eksperata objavljena u zborniku radova. Jedan od ključnih zaključaka bit će upućen prema Ministarstvu za ljudska prava i izbjeglice, a odnosi se na prijedlog izrade novog zakona o pravima pripadnika nacionalnih manjina u BiH.

Vijeće nacionalnih manjina **jednoglasno je primilo k znanju** Informaciju s održane međunarodne konferencije.

### **Ad.3. Razno:**

- **Pripreme u vezi sa službenom posjetom Vladinom vijeću za nacionalne manjine Češke Republike**

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Tihomir Knežiček, Branislava Vignjević, stručna savjetnica u Zajedničkoj komisiji za ljudska prava, Nedžad Jusić, Davor

Ebner, Jovanka Manzalović-Šalaka, Hakan Varan, Mladen Radmilović, Velibor Kuvač, Jakob Finci i Dejan Piotrovski.

Članovi Vijeća nacionalnih manjina primili su **k znanju** informacije u vezi s organizacijom i pripremama neophodnim za obavljanje službene posjete Vladinom vijeću za nacionalne manjine Češke Republike, te usvojili prijedlog da svi članovi Vijeća pripreme kratke prezentacije o nacionalnoj manjini čiji su predstavnici, koju će izložiti prilikom održavanja zvaničnih sastanaka s Vladinim vijećem Češke Republike.

Sjednica Vijeća nacionalnih manjina BiH završena je u 18,30 sati.

Sastavni dio ovog zapisnika je tonski snimak 28. sjednice Vijeća nacionalnih manjina BiH.

**Predsjedavajući Vijeća nacionalnih manjina BiH**  
**prof. dr. Tihomir Knežiček**